

Në bazë të Programit për aktivitetet e Qytetit të Shkupit në fushën e arsimit të mesëm për vitin 2024 (“Lajmëtari Zyrtar i Qytetit të Shkupit” nr. 24/06 dhe 24/12), dhe Nenit 3 të Rregullores për mënyrën, kushtet dhe procedurën për ndarjen e bursave të nxënësve të shkollave të mesme me aftësi të kufizuara, nxënës në shkollat e mesme të Qytetit të Shkupit me nr. 08-10747/1 datë 02.10.2024, Qyteti i Shkupit shpall:

**THIRRJE PUBLIKE
PËR NDARJEN E BURSAVE PËR NXËNËSIT E SHKOLLAVE TË MESME ME
AFTËSI TË KUFIZUARA, NXËNËS NË SHKOLLAT E MESME TË QYTETIT TË
SHKUPIT PËR VITIN SHKOLLOR 2024/2025**

I. PËRSHKRIMI I THIRRJES PUBLIKE

Respektimi i diversitetit dhe avancimi i gjithëpërfshirjes në procesin arsimor janë thelbësore për arritjen e arsimit cilësor për të gjithë nxënësit, përfshirë edhe ata me aftësi të kufizuara, si dhe për zhvillimin e komuniteteve gjithëpërfshirëse, paqësore dhe të drejta. Prandaj, përcaktimi i Qytetit të Shkupit është që me mbështetje financiare dhe logjistike të përkrahë iniciativa të ndryshme që garantojnë të drejtën e fëmijës për arsimim të bazuar në mundësi të barabarta.

Në këtë drejtim është planifikuar realizimi i projektit “*Bursa për nxënësit me aftësi të kufizuara*”, qëllimi kryesor i të cilit është ngritja e cilësisë së arsimit për këtë kategori të nxënësish. Gjatë kësaj nxënësve me aftësi të kufizuara nga shkollat e mesme të Qytetit të Shkupit do t’u ndahen bursa në bazë të kushteve dhe kriterëve të përcaktuara me Rregulloren për mënyrën, kushtet dhe procedurën e ndarjes së bursave për nxënësit e shkollave të mesme me aftësi të kufizuara, nxënës në shkollat e mesme të Qytetit të Shkupit.

II. KUSHTE DHE KRITERE PËR NDARJEN E BURSAVE

Të drejtë për fitimin e bursës kanë kandidatët të cilët mësojnë në shkollat e mesme të Qytetit të Shkupit dhe që plotësojnë kushtet e mëposhtme:

- Të jenë nxënës të shkollave të mesme me aftësi të kufizuara;
- Të jenë shtetas të Republikës së Maqedonisë së Veriut;
- Të jenë banorë të Shkupit;
- Të jenë nxënës të rregullt në shkollat e mesme të Qytetit të Shkupit;
- Të jenë nxënës të rregullt të cilët gjatë vitit të kaluar shkollor kanë arritur sukses minimal prej 3,00;

- Të mos jenë përfitues të bursave nga institucion, ndërmarrje ose organizatë tjetër gjatë vitit shkollor 2024/2025;
- Të mos kenë përsëritur vitin gjatë shkollimit të tyre, me përjashtim të rasteve për arsye shëndetësore.

Kriter për ndarjen e bursave është suksesi në arsim.

Shkalla e pikëzimit të suksesit të arritur:

suksesi mesatar	pikë
4,51 - 5,00	100 pikë
4,01 - 4,50	80 pikë
3,51 - 4,00	70 pikë
3,00 - 3,50	60 pikë

Në përzgjedhje do të përfshihen aplikantët të cilët në bazë të kriterëve do të vlerësohen me të paktën 60 pikë dhe maksimumi 100 pikë.

Do të ndahen bursa për 15 nxënës.

III. VLERA E BURSËS

Vlera e bursës që ndahet nga Qyteti i Shkupit për nxënësit e shkollave të mesme me aftësi të kufizuara, nxënës në shkollat e mesme të Qytetit të Shkupit është 3.000 denarë në muaj (vlera neto) në kohëzgjatje prej 9 muajsh dhe i referohet vitit shkollor 2024/2025. Obligimi për llogaritjen dhe pagesën e tatimit mbi të ardhurat personale i takon Qytetit të Shkupit.

Mjetet financiare do të paguhen në llogarinë e transaksionit të prindit/kujdestarit/personit tjetër të autorizuar të ofruar nga aplikanti.

IV. MËNYRA E SHPALLJES SË THIRRJES PUBLIKE

Thirrja publike shpallet në ueb faqen e Qytetit të Shkupit (www.skopje.gov.mk) dhe në mediumet elektronike.

Thirrja publike do të zgjasë 14 ditë kalendarike nga dita e shpalljes.

V. MËNYRA E APLIKIMIT DHE DOKUMENTACIONI I NEVOJSHËM

Aplikimi në Thirrjen publike realizohet nëpërmjet depozitimit të dokumentacionit të mëposhtëm:

- Aplikim për ndarjen e bursave për nxënësit me aftësi të kufizuara, nxënës në shkollat e mesme të Qytetit të Shkupit;
- Diagnozë dhe mendim për llojin dhe shkallën e pengesës në zhvillimin psikik ose fizik dhe nevoja specifike, të lëshuar nga institucioni kompetent, në përputhje me Rregulloren për vlerësimin e nevojave specifike të personave me pengesa në zhvillimin psikik ose fizik të miratuar nga Ministria për Punë dhe Politikë Sociale (Gazeta Zyrtare e Republikës së Maqedonisë nr. 172/2016 dhe 41/2019).
- Kopje e shtetësisë së aplikantit
- Kopje e kartës së identitetit të prindërit/kujdestarit/apo personi tjetër të autorizuar;
- Vërtetim se është nxënës i rregullt në vitin shkollor 2024/2025, të lëshuar nga shkolla e mesme;
- Kopje e dëftesës për vitin e kaluar shkollor të përfunduar, ku nxënësit e vitit të parë të arsimit të mesëm duhet të depozitojnë dëftesën e arsimit fillor nga klasa e 9-të.
- Deklaratë e nënshkruar nga prindi/kujdestari apo person tjetër i autorizuar me të cilën vërtetohet se aplikanti nuk është përfitues i bursës nga institucion, ndërmarrje ose organizatë tjetër gjatë vitit shkollor 2024/2025;
- Vërtetim nga shkolla e mesme me të cilin vërtetohet se aplikanti nuk ka përsëritur vitin shkollor gjatë shkollimit të tij, me përjashtim të rasteve për arsye shëndetësore (që dëshkohet me dokumentacion përkatës mjekësor);
- Deklaratë për dhënien pëlqim për përpunimin e të dhënave personale.

Aplikimi për ndarjen e bursave për nxënësit e shkollave të mesme me aftësi të kufizuara, nxënës në shkollat e mesme të Qytetit të Shkupit për vitin shkollor 2024/2025, Deklarata me të cilën vërtetohet se aplikanti nuk është përfitues i bursës nga institucion, ndërmarrje ose organizatë tjetër gjatë vitit shkollor 2024/2025 dhe Deklarata e dhënies pëlqim për përpunimin e të dhënave personale, janë në dispozicion në ambientet e Qytetit të Shkupit, në Sektorin e arsimit, Arkivin e Qytetit të Shkupit (baraka 16) dhe ueb-faqen e Qytetit të Shkupit www.skopje.gov.mk.

Aplikimet duhet të depozitohen pranë Qytetit të Shkupit, nëpërmjet postës në adresën: Bul. "Ilinden" nr. 82, 1000 Shkup, ose në Arkivin e Qytetit të Shkupit (baraka 16), deri më datën **27.10.2024** deri në orën 19:00 në ditën e fundit të përfundimit të Thirrjes publike, me shënimin **“THIRRJE PUBLIKE PËR NDARJEN E BURSIVE PËR NXËNËSIT E SHKOLLAVE TË MESME ME AFTËSI TË KUFIZUARA, NXËNËS NË SHKOLLAT E MESME TË QYTETIT TË SHKUPIT PËR VITIN SHKOLLOR 2024/2025”**.

Aplikimet depozitohen në zarf të mbyllur dhe të vulosur me shënimin “Komisioni për zbatimin e procedurës për bursa për nxënës të shkollave të mesme me aftësi të kufizuara, nxënës në shkollat e mesme të Qytetit të Shkupit për vitin shkollor 2024/2025”, pa shënuar emrin e aplikantit që depoziton aplikimin.

Aplikimet e parregullta të cilat nuk janë depozituar në mënyrën e përcaktuar në tekstin e mësipërm, përkatësisht që përmbajnë të dhëna të paplota dhe dokumentacion të pakompletuar, si dhe aplikimet të cilat nuk do të depozitohen në afatin e caktuar, nuk do të shqyrtohen.

MËNYRA E VLERËSIMIT

Për realizimin e kësaj Thirrjeje publike, kryetarja e Qytetit të Shkupit do të formojë Komisionin për zbatimin e procedurës për ndarjen e bursave për nxënësit e shkollave të mesme me aftësi të kufizuara, nxënës në shkollat e mesme të Qytetit të Shkupit, për vitin shkollor 2024/2025, i cili do të kryejë vlerësimin e kërkesave të pranuar në përputhje me Rregulloren për ndarjen e bursave për nxënësit e shkollave të mesme me aftësi të kufizuara, nxënës në shkollat e mesme të Qytetit të Shkupit për vitin shkollor 2024/2025, që është shpallur në ueb faqen e Qytetit të Shkupit www.skopje.gov.mk.

VII. MËNYRA DHE AFATI I DEPOZITIMIT TË APLIKIMEVE

Thirrja publike do të shpallet më **14.10.2024** dhe do të zgjasë deri më **27.10.2024**.

Aktvendimi për kandidatët e përzgjedhur do të shpallet publikisht në ueb-faqen e Qytetit të Shkupit www.skopje.gov.mk

Informacione plotësuese mund të merren në telefonin 02/3297-319.

QYTETI I SHKUPIT